


"O mo Seigneur, augmente mo conaissance"
(Le Saint Coran, 20:115)



TA'LIM SYLLABUS

(Mars - Mai 2021 – Terme 2)

LAJNA IMA'ILLAH MAURITIUS

CONTENTS

Promesse Lajna Ima'illah - Ahad	2
Introduction à Ta'lim Syllabus	3 - 4
Syllabus Terme 2: Mars à Mai 2021	5 -21

PROMESSE LAJNA IMA'ILLAH - AHAD

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ

Mo attesté ki pena aukene Bondié apart Allah, Li Ene Li pena partenaire. Et mo attesté ki Muhammad (saw) so serviteur et messazer.

Mo affirmé ki mo pou toujours prête pou sacrifier mo lavi, mo dibien, mo letemps et mo zenfans pou la cause de la foi et de la nation.

Mo pou toujours marche lors la verité et mo pou toujours prête pou fer tou sacrifice pou la continuation de khilafat-e-Ahmadiyya, InshAllah.

INTRODUCTION À SYLLABUS TA'LIM

Inne mette en place ene syllabus pou période Mars à Mai 2021 pour zotte. Voici quelques lignes directrices qui pou aide zotte suivre programme la. Tous bannes parties sa syllabus la zotte importants et bisin apprane zotte et aussi mette zotte en pratiques.

COMPOSANTS DE BASE

1. Le Saint Coran – Insha'Allah nou pou continuer appran bannes petits portions de Saint Coran. Nou pou étudier versets 1 a 17 de Surah Al-Baqarah pou sa période la. Nou pou lire sa bannes versets la avec traduction. Sa pou aide nou comprend Quran plus.

2. Salat – Nous pou appranes bannes extraits du livre "Zikré Ilahi" (Souvenir d'Allah) par Hazrat Khalifatul Massih II (ra) et suivre bannes conseils de Huzur(r.a) pou amélioire nous Salat. En plus nou encourage bannes Lajnas pou révise zotte prononciation et traduction bannes duahs Salat et pou ré-apprane zotte si nécessaire; sa pou aide zotte comprend Namaz et gagne beaucoup plus concentration et plaisir dans zotte Ibaadat.

3. Attributs d'Allah le Tout Puissant – Nous finne choisir 16 attributs d'Allah le Tout Puissant pou apprane ou revise zotte signification. Pas oublier ki sa c'est que bannes moyens pou nous vine plis proche avec Allah Ta'Ala.

4. Hadith – Hadith avec commentaire depi livre ‘Forty Gems of Beauty’ par Hazrat Mirza Bashir Ahmed Sahib (ra). Nu pé démane zotte pou lire hadith la et réfléchi lors bannes paroles de Nabi Kareem (saw). Nous essaye analyse message et paroles ki finne enregistrées dans Hadith la.

5. Malfuzat (bannes paroles de Hazrat Massih Maoud a.s) – Nous finne choisir ene petit portion de Malfuzat pu étudier sa terme la.

6. Duahs ki nu bisin apprane – Essaye apprane sa bannes duahs la et aussi apprane zotte signification. Bannes duas la zotte depi dan Quran Shareef.

7. Livre Messie Promis (as) – Nous pou étudier livre “Barkaatud Dua” ou “Bénédictions des prières” pou l’année 2020-2021.

Qui Allah le Tout-Puissant permette nous pou bénéficier de nous bane études religieuses et pour amélioire nous connaissances lors nou Deen. Ameen.

Shabneez Khodabux

Serving as Secretary Ta’lim Lajna, Mauritius

Syllabus Ta'lim – Terme 2

Mars à Mai 2021

Composantes	Détails																
1. Le Saint Coran	Al-Baqarah – Versets 1 à 17																
2. Salat	Extrait de 'Zikré Ilahi' par Hazrat Khalifatul Massih II (ra)																
3. Attributs d'Allah Le Tout-Puissant	<table style="width: 100%; border: none;"> <tr> <td style="width: 50%;">Rabbul 'aalameen</td> <td style="width: 50%;">Ar-Raafi'</td> </tr> <tr> <td>Al-Wahhaab</td> <td>Al-Mu'izz</td> </tr> <tr> <td>Ar-Razzaaq</td> <td>Al-Mudhill</td> </tr> <tr> <td>Al-Fattaah</td> <td>As-Samee'</td> </tr> <tr> <td>Al-'Aleem</td> <td>Al-Baseer</td> </tr> <tr> <td>As-Qaabid</td> <td>Al-Hakam</td> </tr> <tr> <td>Al-Baasit</td> <td>Al-'Adl</td> </tr> <tr> <td>Al-Khaafid</td> <td>Al-Lateef</td> </tr> </table>	Rabbul 'aalameen	Ar-Raafi'	Al-Wahhaab	Al-Mu'izz	Ar-Razzaaq	Al-Mudhill	Al-Fattaah	As-Samee'	Al-'Aleem	Al-Baseer	As-Qaabid	Al-Hakam	Al-Baasit	Al-'Adl	Al-Khaafid	Al-Lateef
Rabbul 'aalameen	Ar-Raafi'																
Al-Wahhaab	Al-Mu'izz																
Ar-Razzaaq	Al-Mudhill																
Al-Fattaah	As-Samee'																
Al-'Aleem	Al-Baseer																
As-Qaabid	Al-Hakam																
Al-Baasit	Al-'Adl																
Al-Khaafid	Al-Lateef																
4. Hadith	Hadith No 2 – Cinq Pilliers de L'Islam																
5. Malfoozat	Extrait de Volume 1																
6. Duah Quran	Nou Seignére! Pas laisse nou lé kére dévié après ki To finne guide nous. Et accorde-nous miséricorde dé To part. En vérité, To-Même ki Grand Donatére . (3:9)																
7. Livre Messie Promis (as)	'Barkaatud Dua' or 'Blessings of Prayers' – Pages 16 à 38.																

1. Le Saint Coran

AL-Baqarah – Versets 1 à 17

بِسْمِ اللَّهِ الرَّحْمَنِ الرَّحِيمِ ①

الْم ②

ذَلِكَ الْكِتَابُ لَا رَيْبَ ③ فِيهِ هُدًى ④
لِّلْمُتَّقِينَ ⑤

الَّذِينَ يُؤْمِنُونَ بِالْغَيْبِ وَيُقِيمُونَ
الصَّلَاةَ وَمِمَّا رَزَقْنَاهُمْ يُنْفِقُونَ ⑥

وَالَّذِينَ يُؤْمِنُونَ بِمَا أُنزِلَ إِلَيْكَ
 وَمَا أُنزِلَ مِنْ قَبْلِكَ ۚ وَبِالْآخِرَةِ
 هُمْ يُوقِنُونَ ٥

أُولَئِكَ عَلَىٰ هُدًى مِّن رَّبِّهِمْ ۗ وَأُولَئِكَ
 هُمُ الْمُفْلِحُونَ ٦

إِنَّ الَّذِينَ كَفَرُوا سَوَاءٌ عَلَيْهِمْ
 ءَأَنْذَرْتَهُمْ أَمْ لَمْ تُنذِرْهُمْ لَا يُؤْمِنُونَ ٧

خَتَمَ اللَّهُ عَلَى قُلُوبِهِمْ وَعَلَى سَمْعِهِمْ ط
 وَعَلَى أَبْصَارِهِمْ غِشَاوَةً ۗ وَ لَهُمْ
 عَذَابٌ عَظِيمٌ ٨

وَمِنَ النَّاسِ مَنْ يَقُولُ آمَنَّا بِاللَّهِ وَبِالْيَوْمِ
 الْآخِرِ وَمَا هُمْ بِمُؤْمِنِينَ ٩

يُخَدِّعُونَ اللَّهَ وَالَّذِينَ آمَنُوا ج
 وَمَا يَخْدَعُونَ إِلَّا أَنفُسَهُمْ
 وَمَا يَشْعُرُونَ ط

فِي قُلُوبِهِمْ مَّرَضٌ ۖ فَزَادَهُمُ اللَّهُ
 مَرَضًا ۗ وَلَهُمْ عَذَابٌ أَلِيمٌ ۚ بِمَا كَانُوا
 يَكْذِبُونَ ﴿١١﴾

وَإِذَا قِيلَ لَهُمْ لَا تُفْسِدُوا فِي الْأَرْضِ ۗ
 قَالُوا إِنَّمَا نَحْنُ مُصْلِحُونَ ﴿١٢﴾

أَلَا إِنَّهُمْ هُمُ الْمُفْسِدُونَ وَلَكِنْ
 لَا يَشْعُرُونَ ﴿١٣﴾

وَإِذْ اتَّقُوا الَّذِينَ آمَنُوا قَالُوا آمَنَّا وَإِذَا
 خَلَوْا إِلَىٰ شَيْطَانِهِمْ قَالُوا إِنَّا مَعَكُمْ
 إِنَّمَا نَحْنُ مُسْتَهْزِءُونَ ﴿١٥﴾

وَإِذَا قِيلَ لَهُمُ امْنُوا كَمَا آمَنَ النَّاسُ قَالُوا
 أَنُؤْمِنُ كَمَا آمَنَ السُّفَهَاءُ ۗ أَلَا إِنَّهُمْ
 هُمُ السُّفَهَاءُ وَلَكِنْ لَا يَعْلَمُونَ ﴿١٤﴾

اللَّهُ يَسْتَهْزِئُ بِهِمْ وَيَمُدَّهُمْ فِي
 طُغْيَانِهِمْ يَعْمَهُونَ ﴿١٦﴾

أُولَئِكَ الَّذِينَ اشْتَرُوا الضَّلَّةَ بِالْهُدَى
فَمَا رَبِحَتْ تِجَارَتُهُمْ وَمَا كَانُوا
مُهْتَدِينَ ﴿١٧﴾

Traduction:

1. Avec nom Allah, Céli Ki montré so grâce, sans limites, Ki donné sans ki dimanne Li; Céli ki Bien-Miséricordié
2. Alif Lam Mim = Mo-Même Allah, Mo pli conné.
3. Ça-même Live parfait-là ça; là dans péna aukène doute – ène guidance pou banne dimounes droite,
4. Ki croire dans l'invizibe, et ki observe la Prière, et ki dépense dans provision Ki Nous finne donne zotte.
5. Et ki croire dans ça ki finne révèle toi et dans ça ki ti révélé avant toi, et zotte éna la foi ferme dans ça ki éna encore pou vini.
6. Ça banne-là ki suive guidance dé la part zot Seignère et ça banne-là mêmes ki pou réissi.
7. En vérité, banne ki pas croire, pou zotte li pareil ki to averti zotte ou soi, ki to pas averti zotte – zotte pas pou croire.
8. Allah finne scelle zot lé kére et zot zoreilles; et lor zot li zié éna ène voile. Et pou zotte, éna ène grand pinition.

9. Et parmi banne dimounes, éna ki dire: "Nous croire dans Allah et dans Dernier Zour," et pourtant zotte pas bannes croyants.
10. Zotte serce pou trompe Allah et bannes croyants, alors ki zotte pé trompe zotte-mêmes; sélement zotte pa pé réalisé.
11. Éna ène maladie dan zot lé kére et Allah finne aggrave zotte maladie; et pou zotte éna ène pinition ki donne boucoup doulére parski zotte ti éna l'habitude cause menti.
12. Et quand dire banne-là: "Pa créé désordre lor la terre," zotte réponne: "Nous sélement pé préserve la paix."
13. Attention! Certainement zotte-mêmes ki pé créé désordre, mais zotte pas réalisé.
14. Et quand dire banne-là: " Croire dans Allah couma bannes dimounes finne croire dans Li" zotte réponne : " Esse-ki nous pou croire couma bannes imbéciles finne croire?" Attention! Certainement zotte-mêmes bannes imbéciles, mais zotte pa conné.
15. Et quand banne-là zoègne banne croyants, zotte dire: "Nous croire dans Allah," mais quand zotte rétrouve zotte tout-sels avec zot banne séfs-désordéres, zotte dire:" Certainement nous are zotte, Nous ti nék pé boufonne banne-là."
16. Allah pou réponne zotte zot moquerie et pou laisse zotte persisté, pou ène le temps, dans zot transgression couma banne avégues ki, dans confizion, pé rode zot simé.
17. Ça banne-là ki finne éssanze bon guidance pou l'égarement. Mais zot transaction pa finne rapporte zotte aukène benefice, ni zotte bien guidé.

2. Salat

Extrait de:

“Zikre Ilahi”

Par: Hazrat Mirza Bashiruddin Mahmud Ahmad ra Khalifatul
Massih II

Kifer Zikre-Ilahi obligatoire ? (continuer)

C'est pou ca raison la, ki mo fine soizir ca topic la à l'occasion Jalsa Salana. Des milliers parmi zotte fine vine de très loin pou assister Jalsa. Donc, kan mo pé cause lor ca sujet la, bane anges pou repanne bane Bénédiction d'Allah lor zotte. Kan zotte retourne kot zotte, répète ce qui zotte ine tender, bane dimounes ki pou tane zotte, bane la aussi pou gagne bane bénédiction. Ainsi, bane bénédiction pou repanne partout parmi Jamaat.

Hadith ki ti mentionner plus haut démontrer ki le souvenir d'Allah dan ene rassemblement, c'est ene événement béni. Li attire bane anges ki amene avec zotte bane bénédiction et la grâce d'Allah. Donc, de ce fait, l'importance de Zikr vine bien évident. Li claire ki bane anges pou honore ene dimoune ki à travers so bane Zikr, li attire zotte présence. Aussi longtemps ki li rappelle Allah, li attire la présence de bane anges et bane anges là pou toujours faire li rappelle pou faire bane bon actions.

L'existence de bane anges li pas ene produit de l'imagination humaine ; c'est ene certitude. Moi-même mo fine trouve bane anges. Mo fine déjà gagne conversation avec zotte de façon normale. A travers zotte bane visites fréquentes, bane anges développe l'amitié et l'attasement avec bane ki mazine Allah.

Allah aussi dire :

يَا أَيُّهَا الَّذِينَ آمَنُوا لَا تُلْهِكُمْ أَمْوَالُكُمْ
وَلَا أَوْلَادُكُمْ عَنْ ذِكْرِ اللَّهِ

O bane ki croire ! Faire en sorte ki zotte bane dibiens et zotte bane zenfants pas distraire zotte depi mazine Allah... (63:10)

يَا أَيُّهَا الَّذِينَ آمَنُوا اذْكُرُوا اللَّهَ ذِكْرًا
كَثِيرًا ﴿٤٢﴾

وَسَبِّحُوهُ بُكْرَةً وَأَصِيلًا ﴿٤٣﴾

O bane ki croire! Mazine Allah boucoup; Et célébrer So Sainteté matin et soir. (33:42–43)

Le Saint Prophète s.a.w fine mette l'emphasis lor l'importance de Zikr dan ca Hadith la: Hadhrat Abu Musa Ash'ari rapporter ki le Saint Prophète s.a.w fine dire:-

“La comparaison ente ene dimoune ki rappelle so Rabb et ene lotte ki pas faire ca, li couma ene dimoune vivant et ene dimoune mort.” C'est-à-dire, celui ki rappelle Allah li vivant et celui ki pas rappelle Allah li mort. Ca démontrer clairement l'importance de Zikri-Ilahi.

Ena ene lotte Hadith rapporter dan Tirmidhi. Hadhrat Abi Darda r.a rapporter ki le Saint Prophète s.a.w, en adressant so bane Compagnons, li dire:

“ Eski zotte envie mo dire zotte ki meilleure action et ki travail ki plis noble (même pou bane lerois), ceki pou élève zotte rang, et ceki vaut plis ki dépense l’or et l’argent, et ki meilleur ki ou coupe licou ou l’ennemi ou ki ou-même ou vine ene martyr?” Bane compagnons fine reponne: “certainement, dire nou.” Le Saint Prophète s.a.w fine dire: “Zikri-Ilahi ena ene grand récompense.” Ene compagnon fine demander: “O Prophète d’Allah, eski li meilleur en récompense ki lutter dan le chemin d’Allah?” Li fine reponne: “Oui, parski c’est Zikri-Ilahi même ki encouraz zotte pou engager dan la lutte.”

3. Attributs d’Allah

Originale Arabic	Transliteration	Signification en Créole
رَبُّ الْعَالَمِينَ	Rabbul ‘aalameen	Seigneur Tous Banne le Mondes
الْوَهَّابُ	Al-Wahhaab	Le Grand Donatère
الرَّزَّاقُ	Ar-Razzaaq	L’Approvisionnement
الْفَاتِحُ	Al-Fattaah	Grand-Zize-là, l’Arbite, Céli Ki ouvert bannes la portes siccés pou l’himanité

الْقَابِضُ	Al-Qaabid	Celui ki reticent et ki retracté
الْبَاسِطُ	Al-Baasit	Céli Ki augmente banne moyens provisions
الْخَافِضُ	Al-Khaafid	Celui qui abaisse
الرَّافِعُ	Ar-Raafi'	Céli Ki donne élévation spiritiél
الْمُعِزُّ	Al-Mu'izz	Céli Ki accorde l'honneur
الْمُذِلُّ	Al-Mudhill	Céli Ki abaisse l'orguélié
السَّمِيعُ	As-Samee'	Céli Ki Bien-Tandé
الْبَصِيرُ	Al-Baseer	Céli Ki Trouve- Tout
الْحَكَمُ	Al-Hakam	Le Juge
الْعَدْلُ	Al-'Adl	Le Juste

اللَّطِيفُ	Al-Lateef	Céli Ki Bien Conné tout banne subtilités, Ki Bienveillant
------------	-----------	--

4. Hadith

HADITH NUMBER 2

Cinq Pilliers de L'Islam

عَنِ ابْنِ عُمَرَ قَالَ قَالَ رَسُولُ اللَّهِ صَلَّى اللَّهُ
عَلَيْهِ وَسَلَّمَ بَيْنِي الْأِسْلَامُ عَلَى خَمْسٍ شَهَادَةٌ
أَنْ لَا إِلَهَ إِلَّا اللَّهُ وَأَنَّ مُحَمَّدًا عَبْدُهُ وَرَسُولُهُ
وَإِقَامُ الصَّلَاةِ وَإِيتَاءُ الزَّكَاةِ وَحَجُّ الْبَيْتِ
وَصَوْمُ رَمَضَانَ (بخاری)

Rapporté par Hadhrat Abdullah bin Umar (ra) ki le St Prophète (saw) finne dire ki:

Islam basé lors 5 piliers :

1. Attestation par le cœur et la langue ki personne pas digne d'adoration a part Allah et ki Muhammad (saw) So messenger (c.a.d. le Kalima)
2. Fer Namaaz
3. Paye Zakaat

4. Hajj

5. Garde Roza pendant Ramadhan

(Bukhari)

Notes d'explication

Hadith dans nous dernier syllabus ti lors bannes pilliers de Imaan, sa Hadith la donne definition de L'Islam. Dans sa Hadith la, nu trouver ki nu bizin fer pu met la foi en pratique. Imaan ek Islam tou lédé fer la religion vine complete.

D'après sa hadith la, dans définition même de l'Islam, croyance dans l'Unité d'Allah et dans le prophétat du St Prophète (saw) finne placer en premier, parce ki sa li la fondation même de la foi de banne musulman.

Et lerla finne mentionne 4 actes d'adoration : namaz, zakaat, hajj et roza.

Premier c'est la Salaat qui veut dire "glorification et louange" en Arabe.

Li obligatoire pou faire 5 fois namaz pendant ene journée après ki nous faire Wuzu dans ene façon prescrite.

Premier salat du matin, Fajr, nous faire avant le lever du soleil à l'aube. Deuxième salat, Zohr, nous faire après ki soleil baissé. Troisième Salat, c'est Asr ki nous faire kan soleil finne avancer dans so declin. Quatrième Salat, c'est Maghrib, ki nous faire juste après le coucher du soleil. Et cinquième Salat, c'est Isha ki nous faire kan faire noire dans la nuit. Alors pas seulement dans bannes differents periodes de la journée, mais aussi 2 extremités de la nuit dedié à glorification et adoration d'Allah.

Le but de namaaz c'est pou établir ene communion personnelle avec Allah, pou rappel Allah dan nou leker et purifier nou de banne mauvaise tendances et demande l'aide d'Allah. D'après ene Hadith du Saint Prophète (saw), la prière parfait li celle cot l'adorateur la li ena ene sentiment immediat et sure ki li pé trouve Allah ou ki au moins Allah pé trouve li.

Bannes horaires de namaz aussi zotte ene indication subtile de bannes differents periodes de la vie humaine. Li pas sans aucun but ki bannes intervals entre bannes Salats li raccourci pendant dernier periode de la zurnée kan noirté de la nuit li près. L'idée c'est pou rappelle nous ki, avec augmentation dans l'âge, rythme préparation pou lot le monde bisin accélérer.

Salat li ene genre d'adoration ki en réalité li l'essence meme de la vie spirituelle et finne donne li le terme de Mi'raj (élévation spirituelle) de bannes fidèles. Le degré de l'attachement et plaisir du Saint Prophete (saw) li apparent par sa bannes mots suivants de li. Souvent li ti pé dire :

"Délice de mo liziers trouve dans la prière".

2eme de banne acte d'adoration prescrire par l'islam c'est Zakaat; qui veut dire "purification de banne propriétés et augmentation de banne dibien". L'objectif principal de taxe de Zakat c'est ki, d'ene coté, part de banne pauvres bisin deduire depuis richesse de bannes riches et de l'autre côté bisin donne bannes moyens d'assistance à bannes pauvres et bannes dimounes sans moyens pou aide zotte hausse niveau position zotte groupe et ameliore sort bannes dimounes ki zot faire partie. Le Zakat li appliqué à bannes dibiens ki excèdent minimum base de dibien qui apelle Nisab dans terminologie legal. Sa li évalué lors valer lor ek l'argent, bannes bijoux en or ou en argent, bannes pieces lor ou l'argent, y compris la monnaie à ene taux de 2.5%.

Nous bisin kan mem rappel ki pena ene Nisab separer pou lor et so Nisab li determiner en basant lors valeur actuel de Nisab pou l'argent, ki pou varier avec variation valeur relatif de sa 2 metals la.

Bannes produits commerciaux aussi li évalué à ene taux de 2.5%. En ce qui concerne bannes la terres agricoles et bannes jardins fruits, li 10% récolte en cas de barani (la terre ki depanne lors de l'eau la pluie) et 20% dans cas bannes la terres ki arosés par bannes moyens artificielles.

Si nous laisse bannes détails de côté, li évalué à ene taux de 1 cabris par 40 à 120 cabris ou moutons, 1veau pou chaque 30 vaches et boufallos, 1 cabris pour chaque 5 chameaux et 1 jeune chamelle pour chaque 25 chameau.

Lors bannes mines, bannes tresors cachées et bannes deposits sceller, li facturé à ene taux fixe de 20%.

Tou banne l'argent ramasser depi Zakaat servi pou aide banne ki pauvre et en besoin, banne ki ruiner, banne voyageurs et banne ki prisonnier. Aussi servi pou attendrir leker , pu invite banne dimoune vers la foi et pou accorde ene revenue a bane ki engager dan propagation l'islam. Ainsi Zakaat jouer ene grand role pou faire la richesse nationale vine égale.

Troisième forme pratique de l'adoration c'est Hajj. Hajj veut dire faire ene voyage dans ene place saint, et dans terminologie Islamic, ça signifier visite lakaz d'Allah dans la ville sainte de la Mecque et faire ene circuit de montagnes Safa et Marwah, et arreter pour prier lors site historique de la plaine Arafat, ki à 9 miles de la Mecque, et en retour, arreter pour prier à Muzdalifah, et pour fini, offert ene sacrifice à Minā, ki à trois miles de la Mecque. Hajj tombe les 8, 9 et 10 de mois lunaire de Dhul-Hajj. Li pas seulement ene pèlerinage à bannes places plus saint ki associés avec sacrifice ki ti accompli par Abraham et Ismaël (que Allah bénis zotte), mais bannes traditions sacrées de bannes premières souffrances et bannes sacrifices du Saint Prophète (ki la paix et bénédictions d'Allāh lors li) aussi liées à Hajj.

Apart sa, le Hajj offert ene grande opportunité pour bannes musulmans de différents pays et de races differents pour zwen, pour conne zotte camarade et pour consulter entre zotte lors bannes questions d'intérêt général. L'accomplissement de Hajj (pèlerinage) li obligatoire au moins ene fois dans la vie mais couma li explicitement indiqué dans ene lot Hadīth concernant sa sujet la, ene bon la santé, bannes fonds nécessaires pour couvert bannes dépenses pu voyage aller ek retour et bannes conditions paisibles lors chemin c'est bannes conditions préalables nécessaires pour l'accomplissement du Hajj.

La quatrième forme pratique d'adoration c'est roza pendant le mois de Ramaḍān. Li obligatoire pour tout musulman qui majeur, qui pas ni malade ni en cours de voyage. Banne malade et bannes voyageurs bisin jeûner dans ene lot periode pour même kantiter jours. Le jeûne li aussi appelé (Şaum) en arabe, qui veut dire "retenir soi meme". Sa forme disciplinaire d'adoration là li effectuée pendant le mois de Ramaḍān, selon ki calendrier lunaire coïncide avec bannes différentes saisons de l'année par rotation. Après ki prend ene repas avant l'Aube, nous pas gagne droit manger, boire et gagne relation conjugale ziska coucher du soleil.

En d'autres mots, pendant le jeûne, bannes musulmans donnent ene exemple silencieux de sacrifice de zotte personne et de zotte progéniture (à travers ene contrôle lors nu bannes désir).

En plus de purifier l'esprit et faire face à bannes épreuves, le jeûne crée ene sentiment de solidarité avec bannes pauvres et fine prescrit pour promouvoir l'esprit de sacrifice parmi bannes musulmans.

En vérité, le jeûne li ene source de bénédiction infinie.

5. Malfoozat

La réalité du péché et de la repentance

La réalité du péché li pas ki Allah fine crée le péché avant, lerla apres milliers de l'années plus tard, li fine évoque l'idée de pardon.

Ine explique sa à travers l'exemple ene mouche. Li ena deux lezaile, ene ki ena poison et l'autre so antidote. Pareil même, banne dimounes ena deux lezaile, premier c'est péché et l'autre c'est la honte, la repentance et le remort. C'est ene règle générale sa. Par exemple, si kiken agir avec la violence ene coté, lotte coté li pour ressenti ene regret. Li couma dire tous les 2 lezailes bouge en l'unisson.

Poison li pas exister sans antidote. Aster la question c'est, kifer sa poison la ine créé en premier place? La réponse li meme ki sa li ene poison, si exploité, li possède banne propriétés réparatrices. Si péché pas ti exister, sa poison la pour repand entirr dans dimoune la et pu amene li dans so destruction, mais la repentance empeche sa ariver. Le péché, en conséquence proteze banne dimounes avec l'arrogance ek la vanité kn line ressenti regret lors so mauvais action.

Quand le prophète Muhammad saw ti pe demande pardon soixante-dix fois dans ene jour – meme si zamais line faire pecher - ki effort nous bisin faire? Seulement celui ki satisfait avec péché ki pas pou repenti; ene individu qui considère le péché couma ene mal li pu reste loin de sa. Ine rapporté dans ene Hadith ki kan ene dimoune pleurer devant Allah plusieurs fois pour demande pardon, finalement, Allah dire: `` Nous fine pardonne toi, maintenant faire c'est ki to envi.

Sa signifier ki ene leker de ene tel dimoune finne transformé et ki par la suite li pou ressenti une aversion naturelle envers le péché. Pena personne ki observe ene mouton mange bannes ordures et li poussé par gourmandise pu consomme li aussi. Pareil, ene dimoune ki fine pardonnée par Allah, jamais li pu commete péché. Banne musulmans instinctivement detesté la chair des porcs meme si zotte plonzer dan lezotte milliers kitsoz ki illégales et ki interdites. Kifer ine fer bane musulmans ressenti dégoût pou la chair porc, c'est pou montrer ki ene dimoune bizin développe ene degout similaire envers le péché.

6. Duah Quran

Contre la perte de guidance divine

Surah Al-Imran, verset 9

رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ
 لَنَا مِنْ لَدُنْكَ رَحْمَةً إِنَّكَ أَنْتَ
 الْوَهَّابُ ⑨

Traduction:

Nou Seignère! Pas laisse nou lé kéré dévié après ki To finne guide nous. Et accorde-nous miséricorde dé To part. En vérité, To-Même ki Grand Donatère. (3:9)

7. Livre du Messie Promis (as)

“Barkaatud-Dua” or Blessings of Prayer – Pages16 - 38